

## 一二一、婢共羊鬥緣

昔有一婢。稟性廉謹。常為主人。曲麩麥豆。時主人家。有一羯羝。伺空逐便噉食麥豆。斗量折損。為主所瞋。信已不取。皆由羊噉。緣是之故。婢常因嫌。每以杖捶。用打羯羝。羝亦含怒。來舐觸婢。如此相犯。前後非一。婢因一日空手取火。羊見無杖。直來觸婢。婢緣急故。用所取火。著羊脊上。羊得火熱。所在觸突。焚燒村人。延及山野。于時山中五百獼猴。火來熾盛。不及避走。即皆一時被火燒死。諸天見已。而說偈言

瞋恚鬥諍間 不應於中止 羝羊共婢鬥 村人獼猴死